

# "RICORDI E VIRTÀ"

Na' vota era bedda la stasciuni,  
e li frutti arrussicavanu li chianti,  
contenti li viddani, e cu l'armenti  
s'abbiavanu pì viola allegramenti.



A nuvemmiru vinia l'acquicedda  
e l'omini preparavanu la simintedda.  
Si 'cchiuvia prestu prestu si niscia  
a la cerca di crastuna e virduredda  
frutta frisca, e zalicheddi 'nquantità.



la terra era bona e ginirusa  
e jnchia li carteddi e li cannizza.  
Ora siddu chiovi nun si sapi,  
lu lavuri resta curtu e senza spichi.



Cripati su li terri e 'ppì dispizzi,  
cu la fami mureru l'armaluzzi.  
Scapparù li viddani n'cuntinenti,  
lassaru li casuzzi abbannunati,  
ristaru quattro vecchi ncaddaruti  
scurdati di sta nova sucietà.



Si 'Diu' voli nta stu munnu tantu stranu  
lu viddanu turnerà a lu so tirrenu  
macari quannu mori, o ppì sugnata,  
turnerà nti dda terra tantu amata...

*Giarratano Vito*